



UGOVOR

o javnoj nabavci građevinskih radova na izgradnji punionice na prirodni gas u PTO Butile

KJKP "Sarajevogas" d.o.o. Sarajevo, Ul. Trg Fadile Odžaković Žute 4, Sarajevo, BiH,
Koga zastupa: Direktor Preduzeća Mr.sc. Nihada Glamoč, dipl.ing.maš. (u daljem tekstu: **Naručilac**),

i
Džekos d.o.o., Ul. Ismeta Alajbegovića Šerbe 16, 71000 Sarajevo, BiH,
Koga zastupa: Direktor Rifet Mahmutović, dipl.ing.građ., (u daljem tekstu: **Izvođač**),

Član 1.

Predmet ovog Ugovora je izvođenje građevinskih radova na izgradnji punionice na prirodni gas u PTO Butile po provedenom otvorenom postupku nabavke broj: TD-05-08/19. Izvođač radova je dostavio ponudu prema Obrascu za cijenu ponude Naručioca broj: SP-OJ04-TD-05-08/19-01, koja je priložena ovom ugovoru i predstavlja njegov sastavni dio.

Član 2.

Ugovorna vrijednost radova iz člana 1. ovog ugovora bez PDV-a iznosi: **390.109,40 KM (slovima: tristotinedevedesethiljadastotinudevet i 40/100KM)**, a jedinične cijene su navedene u Obrascu za cijenu ponude koji je sastavni dio ovog Ugovora, i iste su nepromjenjive za vrijeme trajanja ugovora.

Član 3.

Izvođač radova će radove iz člana 1. izvršiti kvalitetno, po pravilima građevinsko-tehničke struke, prema propisanim tehničkim uslovima u roku od **45 radnih dana** računajući od dana uvođenja izvođača u posao, a nakon zaključenja ovog ugovora.

Za svaki dan zakašnjenja na izvršenju radova naručilac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

Član 4.

Obaveza izvođača radova je da:

- prouči investiciono-tehničku dokumentaciju na osnovu koje se izvode radovi,
- prije otpočinjanja radova zatraži objašnjenja nedovoljno jasnih detalja u investiciono-tehničkoj dokumentaciji,
- otpočne sa radovima nakon obostranog potpisivanja Ugovora,
- uredno vodi građevinski dnevnik i građevinsku knjigu,
- omogućiti sprovođenje nadzora nad izvedenim radovima,
- postupi po osnovanim primjedbama i zahtjevima naručioca datim na osnovu izvršenog nadzora,
- izvrši popravku loše izvedenih radova ili da o svom trošku ponovno izvede iste,
- snosi eventualne troškove sanacije oštećenja tuđih instalacija koje su ucrtane u situaciji,
- je osiguran polisom osiguranja protiv rizika odgovornosti,
- po završenim radovima povuče sa gradilišta svoje radnike, ukloni preostali materijal i sredstva za rad koja je koristio u toku rada, da očisti gradilište od otpadaka koje je napravio i uredi zemljište na kome je objekat izgrađen na način predviđen investiciono-tehničkom dokumentacijom.



Član 5.

Obaveza naručioca radova je da:

- izvođaču preda investiciono-tehničku dokumentaciju na osnovu koje se izvode radovi,
- izvođaču preda zemljište za građenje,
- izvođaču preda odobrenje za građenje,
- obezbijedi nadzor na izvođenju radova,
- izvođaču primi izvedene radove, nakon što iste potvrdi nadzor.

Član 6.

Naručilac radova ima pravo da u toku izvođenja radova vrši stručni nadzor nad radovima izvođača i da na taj način kontroliše kvalitet radova i upotrijebljenog materijala, opreme, urađaja i postrojenja i samog toka radova.

Naručilac će pismeno obavijestiti izvođača o tome ko će u njegovo ime vršiti nadzor iz stava 1. ovog člana.

Član 7.

Izvođač radova će obračun izvedenih radova vršiti po jediničnim cijenama iz priloga ovom Ugovoru. Naručilac će plaćanje izvedenih radova izvršiti u roku od **60 dana** po ispostavljanju situacije, odnosno prijemu uredno ispostavljene poreski ispravne fakture na transakcijski račun izvođača naveden na fakturi.

U prilogu fakture neophodno je dostaviti:

- obračun sa količinama i jediničnim cijenama ovjeren od strane nadzornog organa naručioca.

Član 8.

Naručilac i izvođač radova se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane u izvršavanju njihovih ugovornih obaveza.

Član 9.

Izvođač radova nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja naručioca.

Član 10.

Za sve izvedene radove Izvođač radova daje garanciju na kvalitet izvedenih radova na period od **dvije (2) godine**, koji teče od početka korištenja objekta.

Izvođač je dužan da u toku garantnog roka na prvi pisani poziv naručioca otkloni o svom trošku sve mane koje se odnose na kvalitet radova, a koje su nastale zbog uporebe materijala koji ne odgovara ugovorenoj namjeni i kvalitetu.

Ako izvođač ne pristupi izvršenju svoje obaveze iz predhodnog stava ni u roku od osam dana od prijema ponovljenog pismenog zahtjeva ili ne izvrši tu obavezu u primjerenom roku, naručilac je ovlašten da za otklanjanje mana angažuje drugo pravno lice, a da o nastalim troškovima tereti izvođača radova.

Član 11.

Primopredaja i konačan obračun izvedenih radova će se izvršiti zapisnički. Zapisnikom o primopredaji se konstatuje da li je izvođač izvršio svoju obavezu u pogledu obima, vrste i kvaliteta radova, upotrijebljenog materijala i opreme, kao i u pogledu rokova za izvođenje radova.



Član 12.

Izvođač je dužan da po Ukoliko naručilac u ugovornom roku iz člana 7. ovog ugovora ne plati cijenu za izvršene radove obavezan je Izvođaču radova isplatiti i zateznu kamatu u skladu sa zakonom i drugim propisima koji uređuju ovaj institut.

Član 13.

Obaveza izvođača je da u roku od **sedam (7) dana** računajući od dana potpisivanja ugovora, dostavi naručiocu безусловnu bankarsku garanciju na iznos od 10% vrijednosti ugovora, odnosno u vrijednosti od **39.010,94 KM** za dobro izvršenje posla po ovom ugovoru sa klauzulom plativo na prvi pisani poziv korisnika garancije i bez prava prigovora, sa rokom važnosti garancije: rok izvršenja ugovorenih obaveza + 30 (trideset) dana.

Ukoliko izvođač radova obavi sve ugovorene poslove kvalitetno, u roku i po pravilima struke, naručilac će nakon protoka roka od 30 (trideset) dana izvođaču radova vratiti pomenutu garanciju.

Ukoliko izvođač ne dostavi traženu garanciju u zadanom roku iz stava 1. ovog člana ovaj ugovor će se smatrati apsolutno ništavnim.

Član 14.

Ovaj ugovor se zaključuje na period do ispunjenja njegove svrhe ali ne duže od jedne godine, računajući od dana potpisivanja ugovora. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 15.

Ugovorne strane su saglasne da izvođač radova neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 16.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 17.

Ovaj Ugovor smatra se zaključenim danom potpisivanja od strane obje ugovorene strane, a stupa na snagu danom dostavljanja bezuslovne bankarske garancije iz člana 10. ovog ugovora.

Ugovor je sačinjen u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 18.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Izvođača:

Direktor, Rifat Mahmutović, dipl.ing.grad.

Broj ugovora,

09-04-2019

Za Naručioca:

Direktor preduzeća Mr.sc. Nihada Glamoč, dipl.ing.maš.

Izvršni direktor Mr.Mehmed Mehović, dipl.oec.

Broj ugovora,

08-04-2019